

SAOPŠTENJE ZA MEDIJE

Druga dm stručna konferencija o fizičkom i mentalnom zdravlju žena u tri bh. grada

Banja Luka, Sarajevo i Mostar domaćini konferencije

Sarajevo, 14. 8. 2024. - Nakon prošlogodišnje, prve stručne konferencije na temu fizičkog i mentalnog zdravlja žena, koja je izazvala veliki interes za sudjelovanjem, kompanija dm najavljuje ovogodišnju konferenciju u čak tri bh. grada. Konferencije, za koje su ulaznice od danas 14.8. u prodaji, će se održati 4.9. u Banjoj Luci, 6.9. u Sarajevu i 10.9. u Mostaru. Konferencija ima za cilj da istakne važnost preventivnog pristupa zdravlju općenito, s posebnim naglaskom na fizičko i mentalno zdravlje žena te da pruži konkretne savjete koji će pomoći ženama da vode kvalitetniji život s ciljem očuvanja zdravlja.

Teme konferencije i predavači

Teme ovogodišnjih predavanja renomiranih stručnjaka iz naše zemlje će biti iz oblasti ginekologije, psihologije, endokrinologije, nutricionizma, sa posebnim fokusom na menstrualno zdravlje.

Prve o ovim važnim temama u **Banjoj Luci** 4. septembra će govoriti: doc. dr. sc. med. **Arnela Cerić Baničević**, spec. ginekologije i akušerstva, zatim mr. ph. **Dragana Lošić**, nutricionistica, **Brankica Raković**, urednica prvog online magazina u BiH "Lola magazin" te dr. **Bojana Carić**, spec. interne medicine i subspec. endokrinologije, dok će za psihološke radionice biti zadužene **Gordana Ružić Milunić i Danka Stojanović Mitrović**.

U **Sarajevu** 6. septembra će svoje znanje podijeliti i dati praktične savjete: prof. dr. **Jasna Bajraktarević**, psihologinja, zatim prof. dr. **Zelija Velija-Ašimi**, endokrinologinja i dijabetologinja, o ginekologiji i akušerstvu će govoriti mr. sci. dr. **Vanesa Dujso-Radaslić**, a savjete o osviještenoj i izbalansiranoj ishrani će dati dr. sci. **Marizela Šabanović**, nutricionistica.

Posljednja u nizu predavanja i radionice u **Mostaru** 10. septembra održat će: mr. **Nevena Pandža**, nutricionistica, zatim dr. sc. **Romana Barbarić**, psihijatrica, govorit će i mr.sc. **Tanja Krešić**, spec. ginekologije i porodništva i subspec. ginekološke onkologije te msc. **Petra Salarić**, tabu stručnjakinja, a o značaju fizičkog zdravlja govorit će mag. cin. **Ana Marija Penava**, fitness instruktora.



„Blizu tri stotine prisutnih na prošlogodišnjoj konferenciji o zdravlju žena i njihove pozitivne reakcije bile su znak da ovaj, uistinu jedinstven događaj, trebamo ne samo nastaviti organizirati, nego i proširiti na druge bh. gradove. Ove godine, u tri grada, više od 500 žena moći će na jednom mjestu slušati vrsne stručnjake iz različitih oblasti, postaviti pitanja i dobiti savjete o tome kako u svakodnevnom životu više misliti na vlastitu dobrobit i unaprijediti svoje zdravlje”, poručila je Ajla Hadžić, menadžerica marketinga u dm-u.

Prodaja i cijena ulaznica

Ulaznice su u prodaji od 14. augusta, u odabranim dm prodavnicama u Banjoj Luci, Sarajevu i Mostaru, a broj mjesta je ograničen. Cijena ulaznice je 10 KM, a uz nju se dobije i dm poklon kartica u istoj vrijednosti.

Tokom šestosatne konferencije, pored predavanja stručnjaka, prisutne očekuju i pokloni dm-a i partnera konferencije, a ulaznica uključuje i ručak te kafe pauze. Bez ulaznice neće biti moguće sudjelovati na konferenciji te iz dm-a pozivaju zainteresirane da što prije nabave svoju ulaznicu i osiguraju mjesto na ovom jedinstvenom događaju.



Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 18 godina dm se sa više od 1.200 zaposlenika i 92 prodavnice u 47 gradova te distribucijskim centrom u Sarajevu pozicionirao kao vodeća kompanija u kategoriji drogerija. U poslovnoj godini 2022/23. dm je u Bosni i Hercegovini ostvario promet od 344,1 miliona KM. Asortiman dm-a obuhvata više od 13.000 proizvoda etabliranih svjetskih i domaćih proizvođača, među kojima je 30 dm robnih marki kao što su Balea, alverde, Mivolis, trend !t up, DenkmIt, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

dm u BiH imidž Najpoželjnijeg poslodavca, priznanja koje mu je dodijeljeno deset puta, od toga osam puta zaredom, gradi kontinuiranom brigom o zaposlenicima te im, uz brojne pogodnosti kao što su redovni sistematski i stomatološki pregledi, školovanja i edukacije, svake godine isplaćuje regres i 13. platu.

Saopštenja za javnost na raspolaganju su Vam na <https://www.dm-drogeriemarkt.ba/pr-imeriji/saopstenja-za-merije>, a arhiva fotografija na <https://www.dm-drogeriemarkt.ba/pr-imeriji/fotografije-za-merije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba